

道法會元卷之一百七十四

卅四

元景丹天府玉册

册曰

混沌始分二氣環著我已主中形成斯舉  
 靈虛皇皇南昌品會好生司生從初嚴治  
 化生成靈故非羽毛我炁之祖萬偽潛消  
 清雜歸與中和獨當靈物之主其孰能高  
 上居清明下歷坤母五賊沸溢守禦俱悔  
 紫雲中瑤丹天下輝戴兼戴和極瑤音駐  
 慶曆從明我徒為主青華青童佐我元教  
 至精至微無殺無暴

右元景玉册天猷副元帥嗣教也紫光元  
 景丹天府慶曆從明大君所治解曰青元  
 光化左元夫人青童司命玉曆元君為左  
 右蒼教大君嘗戒青童君曰萬靈散分玄  
 法下降蓋冥罰之不畏也非故不畏炁使  
 之然受雜惡之炁物充暴陰罰則冥獄  
 俱滿億劫無盡沉下元入劫運當更變苟  
 不以玄真之炁下助則司罰司殺者亦失  
 善政吾甚哀之炁濁者以印止之靈散者

以符助之亦可以鎮山川大澤魔鬼羣集之所

丹天太皇真符

元輝 紫虛 龍迷  
 降具 下降 苦楚 焚繼

乾靈坤靈虛皇  
 告下行之上達

符筆先  
 左後右

元景丹天府印



右元景府印可鎮兇怪之所凡人家有一  
 切怪兆可先具已施行法主姓名判押印  
 送北極驅邪院根究外即再令本家別具  
 狀請符投下即遣時直主者連狀批送徑  
 付本院如未驅遣即行告下丹天外府青  
 華官若不依次用之其息非細其下鎮之  
 法以黃金鐵石新磚楓栢梓棗之木皆隨

事告文符並丹書告五行為文或刻金或  
 鑲木填之告付地界黃上朱書皆須以印  
 印之

營際篇

杳冥靈物虛極同真自執妄根習成至當元  
 明去體靜鑑益昏百念經育嗔癡變執旋環  
 濁浪迷返神元呼吸寄生窮幸莫悟高靈念  
 憫津道舟車滌脫塵羈傳符設戒洗心靜識  
 葆鍊元神信節行修當期領祖九真戒符疏  
 示開具

- 一者敬讓孝養父母
  - 二者克勤忠於君主
  - 三者不殺慈救眾生
  - 四者不淫正身處物
  - 五者不盜推義損己
  - 六者不嗔兇怒凌人
  - 七者不詐誦賊善善
  - 八者不驕傲忽至真
  - 九者不二奉戒專一
- 戒心清垢入妙從微符至玄神登真自俗能

持九戒當佩靈符有東華青宮九龍符命金籙亦曰救苦真符乃

元始威章飛玄真命勅瓊編簡九光籙篇真吏典香靈官營文自非北帝進朝三元啓陳報對則寶符篇目世莫得其傳也作符取黃絹長九寸闊二寸五分朱篆其符符背書虛皇九戒戒文作三行印以火鈴餘空一行署某師位佩以青繒封密雲錦為囊帶佩始終藥煉積滓投思惟一洞合道真當得五帝真符消魔却惡得圓正念返形登虛若始勤終怠考通億祖或初信受後起悔心穢賤靈文丹元虛將千殃鍾已百魔蠱惑念與魔同陽光永隔俗情測謗生不信心破道威儀強別真偽爾者靈官糾過列罪寒司窮報受生邊方下賤誠由自造非道不慈

東華青宮九具妙戒救苦真符



元始符命救苦真符告命

元始符命金籙白簡救苦真符告下十方無極世界三官九府百二十曹五帝考官九幽地獄巨天力士執罰神兵司錄司命司功司殺牛頭獄卒三界大魔拔度丁元罪寬出離地獄永辭長夜覩見光明萬罪蕩除冤仇和釋承此九真妙戒拔度功德上生天堂一如告命

南昌紫微鍊具之錄長生靈符



元始符命長生靈符告命

元始符命金籙白簡長生靈符告下南方丹天世界朱陵火府南昌上官長生大君韓君司馬司命司錄延壽益算度厄尊神迴骸起死監生大神超度下元罪寬上登朱官流火之庭玉脾鍊質黃華蕩形書名紫琳受化更生承此金籙度命功德時刻外遷一如告命若曲故魂識並受長生靈符者當尋天象入某甲姓名易去下元罪魂四字若拔度


三四人則簡上書一名稱等其餘名列數都狀用世行之書其簡文天篆不可輒廢蓋真凡用書自有殊制也如無天篆以古篆文代之亦可

按紫微上真答楊司命陳書說云世書乃後世淫浮弊作驚穢下字也今長生符內四十七字并二符告文舊作雲篆光明書也後人不知真凡用書之異直以世書代其祖文可謂上玷真逸之文下虧有禁之格也今復尋諸經所載神藻易俗以證舊篆也

青宮九龍符命

稽首三皈依紫陽閣 長樂天宮啟 玉履重仙過朗日 金光降神惠 大慈仁 九龍使者青玄 音玄靈 者勅 童子救苦真人 官乘龍 降世法兩慈 九幽罪對 承茲天 雲香周塵地 六道停輪 澤幽寬 龍 十方天尊應化沙塵 執符奉行上 昇 隨念昇降救拔三途 生福處慈惠

如青宮教苦天尊勅



兆已佩九龍符或文當心映南昌紫微流

金鍊真之籙亦曰長生靈符也蓋高上靈

冊紫微寶章也鍊簡丹文明霧結靈神光

煥落召降玉華保鍊丹心養育赤子受者

取月陽奇日備青素九寸闊二寸五分篆

其符符成作八疊以絳囊方寸懸當心每

日燒香說出戶東向若雲雨晦冥可就寢

靜所凝心虛形面對圓羅鼻引赤霧洞淡

一身高下三宮一塵不立念極良久乃叩

齒三通嚙液三過微音呪曰

司府受鍊相火成宜梁為天宰同感炎光樞

機輔弼星列玄章育精大明赤車凌芒鍊化

神府表裏俱昌

再叩齒三通嚙液三過止行持三年後苑

上法則試觀不味風氣克御翹輝倒景流

軒葉虛明春高清玉京可步也

冊日月陽謂乙陽月也奇日謂甲陽日也  
後施上法謂上清諸法非行冊三年如策  
佩符躡景燒香出戶謂出夜戶行持非依  
朝真格出異戶也青素明潔非指白為素  
也如青絳為素雲也

晨元篇

衆生頌祖太無虛源清靜從虛稟炁構形受  
神幸親神輝不自貴氣緣物假妄起塵情  
神鬼用謀我知日拙惡獨神逆難復本初五  
累牽纏受毒幽壤或在五嶽大川九幽都府  
城隍社廟泉曲河源或托故舊依仗邪物游  
從野道附巫與妖執繫忘心罔悟宿命境緣  
報對形異神遷心與形俱旋環不息羗羗人  
道唯此自窮

太上慈仁常善救物頒符典府殊爽感恩息

燭火山解懸宿命展波曲湛更鍊達人若夫

普為九幽孤爽億劫宗枝大顯天地歸命玄

真者師當啓闡

三境關告地司取梓簡篆救苦真符青書

元始符命青封具位命艾龍驛吏馳告十方

無極世界吹作黃籙大齋陳醮謝儀凡篆符  
皆當啓闡

三境然後入靖焚香對東北以朱篆之其梓  
簡長九寸闊二寸五分厚四分詰命作五行  
舊本有六行第六行乃上皇甲申運告行猶

今所書歲次甲子是也今欲依舊本八年月  
可以年月告行一行於簡背青封之上具位

如疏狀式也題元始符命告下十方無極世

界作兩行於銜位上然後召艾龍驛吏同金

錢繪龍投烈焰中也據冊云命艾龍驛吏馳

送應謂不用文引只以符傳付也今之行者

若未能感通玄虛可作請闡篆驛吏符於闡

尾庶克達命於玄司也或取新艾縛龍吏約

其符於草人身中使負簡文亦須列疏狀告

鄭都啓上真召驛吏不可直以私意變易宣

告此符正猶人間赦命非臣下之敢專也故

須大顯天地方行

艾龍驛吏符



三才圖會卷之四

玄都交龍驛吏一十二萬人傳命泉宮開  
光夜府凡告救苦真符當啓

元尊玉帝召闕此吏一人也書時摘王訣  
引北極星先黃地黑書驛吏隨降引北極

星先非北斗第六武曲北極乃天皇之右  
北極天樞也篆符紙當以槐花染輕黃援

筆墨書驛吏肩前也救苦真符自非大醮  
天地不可告行倘有投詞但當詠誦玄文

散燈念道使光回九地輝破八冥所薦遊  
魂亦獲昇度當先置一燈於天尊像前拜

跪焚香乞降晨先照燭大夜乃執炬分燈  
令輝散一輪如車大小三級上下三疊燃

燈四十九盞立  
十方洞靈天尊聖號開衆生五累苦門假

此回光銷銘五累也  
十方洞靈天尊聖號即救苦經十方摩訶

也五累門者一曰色累苦心門二曰愛累  
苦神門三曰貪累苦形門四曰華累苦精

門五曰身累苦魂門世有救恤貧乏濟度

天人奉戒修齋供養三寶或鍊真養神功  
未克足命窮滅度經由太陰者方曲行救

命告救苦真符外別以栢木簡作長生靈  
符告下南方丹天世界使權簡帝堂鍊神

火府罪魂無功於人天者不可濫投鍊真  
之籙但得觀神輝更生陽界則幸矣故於


大醮之初乃告長生靈符簡尺寸同救苦  
真符上題元始符命告下南方丹天世界

并辛辰等三行題封如前式用金龍驛吏  
印印上中下三鏡祝訖付金龍驛吏告行

金龍驛吏印



金龍驛吏符



玄都金龍驛吏二十五萬人領符命啓道  
馳信凡告長生靈符預闕一人用青素丹

書之摘玉訣引太尊星芒繞筆拂簡書畢  
同符命焚香煙中自南斗向斗則太尊星

在中下台分中微北向也太尊北有四星  
勢如東井南有少微如亢宿其星赤色而

明要在天璇天璣二星正南鼻引其芒繞  
簡筆也師曰炁芒各類清濁異歸凡取三

光五星之芒當以鼻引口吐也生旺雲煙  
之炁當以口吸隨吐也引吸時勿以耳聞

則炁芒不降又不可長引則喘息失度要  
在精顧法念御意合神於杳冥之間則吸

引隨念感降自然也若御服明暉行吐納  
之道則非此限也凡關二吏先啓元尊次

具位據某州縣某人投狀恪備信儀請行  
黃籙超度死魂於某月某日取奏

虛皇上帝依典告符關英龍驛符吏具法  
師位除闕并二符告命之外有

元尊玉帝及鄴都申狀等臨時起草於別  
紙書之不可飾詞文不可太樸今清簡而


典格於世中文狀一也不可擅續草檢為  
定式於其後也且如舊天心法佐化昊天

為法書之最者自天師登真之後漸易偽  
文除三光符訣目外餘者皆庸吏之詞愚  
昧相傳偽文益廣第恐後學無知者不詳  
首尾縱意改更使冊文失序復如天心故  
聊辨之九斗陽芒火鈴真符遇書符命先

作三枚於竹膜上南向吞之次篆符命也  
書符時南向插玉訣云凡木怪石精赤妖  
兇醜擾害民物鐵板丹篆以火鈴印印其  
上埋本處土下尺餘其魔匿影登度道真  
若羽鳥羣集穢汚福地林嶺當啟南嶽朱

湖赤帝作符遣之亦可施人吞佩右符或元應冊  
北帝火鈴印印符文外能治寒中氣痛等  
病左手離文右手執印去兆兩步許以印  
文向之即稱法位上啓一炁宗師長生大  
君小兆今有某病上祈真炁謹召流金飛  
炁赤炁帝君佐吏文秀舒光曜明消魔印  
攝引日芒決心混合為一從鼻出穿印繞  
兆身纏絡三面乃止其印擇丙子日祭常  
貯青囊中勿置塵絲犯違正炁君使佐吏  
不降徒加精苦於存想矣

北帝火鈴印



左手摘離文位則中指中節也亦曰日君  
訣凡本多以辰為日君訣不知辰自為天  
罡訣也夫黃炁陽精有魄洞濛鍊明三炁  
故以離為日君訣也右手執印行持當令  
動止詳緩無使神炁驚浮範像巫者取笑  
俗情思日芒繞兆身彌羅三匝故曰纏絡

三面凡傳元景玉冊合用壁魚一枚金環  
一隻普盟玄都不可盜看促齡丹簡圖飛  
反沉若寒棲守素之士願欲佩持難營壁  
魚者一當為具授或觀利濫傳下士師當  
受護水官不復期於度世下界若會火煙  
彌景萬惡流威行冊弟子當為元應鎮穰  
使歸誠民庶各佩虛皇符戒宣行金錄洗  
心謝愆感徹玄真三行三道融風和演消  
戢惡煙稱慶人天生途亨吉冊曰不可濫  
傳謂擇嗣法弟子非各佩符戒者也其各

佩符戒者謂九龍符戒不佩流金符流金  
符者惟行冊者佩之矣其傳付當須告盟  
天地啓聞元帥仙聖飲丹破金環為凌霄  
之約勿令中息流浪塵波為正念邪外觀  
馳物兩貽冥憲趣責三官也其依元應鎮  
穰則依天蓬元應冊內祈穰法也宣行金  
錄則上元簡文乃太一聖真之科也凡遇  
鎮穰當須士民先有投詞然後為其修設  
不可強率徒使誠心凋替感不通幽

誠盟條

玉朗高上道一塵聊不加萬國日拱肆德上  
事芬葩刮垢造神庭落穢超祥霞懸水映碧  
樹遠曜若容瑕超脫下塵宇擺撲當近涯傳  
非弗真輩流淪溢神芽妄耗豈遠等與道相  
正邈上玄不曲物毫末無欺差飄揚適界  
理典具命嘉不得人遷退真舉無虛誇非世  
與類語訓我尸宅邪自作沐天譴余為奈爾  
何

道法會元卷之一百七十四